

鄮峯真隱大曲二卷

有

鄭峰真隱大曲卷一



採蓮

壽鄉詞



鄭○史○浩○直翁



四○聖○全○延○編 嘉○和○前○魚○及 空○州○高○柳○十○葉 青○蒲○外 林

霞○霄○上○有○壽鄉○廣○袤○無○際○東○極○滄○海○縹○緲○虛○無○蓬○萊○弱

水○風○生○屋○浪○鼓○楫揚○旂○不○許○凡○人○得○至○甚○幽○邃試○右○望

金○樞○外○西○母○樓○閣○玉○闕○瑤○池○萬○頃○琉○璃○雙○成○倩○巧○方○朔

歌諧○來○往○徜徉○霓○裳○飄○飄○瓊○寶○砌○更○希○奇

擷編

南○鄰○丹○幄○宮○赤○伏○顯○符○記○朱○陵○耀○綺○繡○箕○翼○炯○瑞○光○騰

起每歲秋分老人見表皇家襲慶迎祺天子當膺無疆
萬歲北窺^立冥魁杓擁佳氣長拱極終古無移論南北
東西相直何啻千萬里信難計

入破

璇穹層雲上覆光景如梭逝惟此過隙緩征轡垂象森
列昭回碧落卓然躔度炳曜更騰輝永永清光暉煒
四野金璧為地藥珠館瓊玖室俱高峙千種奇葩松椿
可比暗香幽馥歲歲長春陽鳥何曾西委

衰編

徧此境人樂康挾難老術悟長生理盡阿僧祇劫赤松
王令安期彭篋盛矣尚為嬰稚鶴算龜齡絳老休誇甲
子鮑背聳黃髮垂髻更童顏長鼓腹同遊戲真是華胥
行有歌坐有樂獻笑都是神仙時見羣翁啟齒

實催

露華霞液雲漿椒醕恣玉罌金壘交酬成雅會拚沈醉
中山千日未為長久今此陶陶一飲動經萬祀陳果蓏
皆是奇異似瓜如斗盡備三千歲一熟珍味飮坐中瑩
似玉爽口流涎三偷不枉西真指議

衰

有珍饌時時饋滑甘豐膩紫芝熒煌嫩菊秀媚貯瑪瑙

琥珀精器。延年益壽莫儼。人間烹飪徒費。休說龍肝鳳髓。動妙樂仙音鼎沸。玉簫清瑤瑟美龍笛脆。雜遝飛鸞花裊上。趁拍紅牙。餘韻悠颺。竟海變桑田未止。

歇拍

其間有洞天侶。思遊塵世。珠葆搖曳。華表真人。清江使者。相從密議。此老遨嬉。我輩應須隨侍。正舉步忽思同類。十八公方聳壑。宜邀致。夙駕星言。人爭圖繪。謁來鄞山甬水。因此崇成。四明里第。

煞
袞

吾皇喜光寵無貳。玉帶金魚榮貴。或者疑之。豈識聖明曾主斯鄉。嘗相與。儘繾綣膠漆。何可相離。今日風雲合契。此實天意。吾皇聖壽無極。享晏粲千載相逢。我翁亦昌熾。永作昇平上瑞。

採蓮舞

五人一字對廳立。竹竿子勾念。

伏以濃陰緩轡。化國之日舒以長。清奏當筵。治世之音安以樂。霞舒絳彩。玉照鉛華。玲瓏環佩之聲。綽約神仙之伍。朝同金闕。宴集瑤池。將陳倚棹之歌。式侑回風之舞。宜邀勝伴。用合仙音。女伴相將。採蓮入隊。

勾念了。後行吹雙頭蓮令。舞上。分作五方。竹竿

子又勾念

伏以波涵碧玉。搖萬頃之寒光。風動青蘋。聽數聲之幽韻。芝華雜選。羽幘飄飄。疑紫府之羣英。集綺筵之雅宴。更憑樂部。齊迓來音。

勾念了。後行吹採蓮令。舞轉作一直了。眾唱採

蓮令

練光浮。斂澄波渺。燕脂凝靚。初了。綠雲繖上。露滾滾的。皦真珠小。籠嬌媚。輕盈佇眺。無言不見仙娥。凝望蓬島。玉闕怱怱。鎮鎖佳麗。春難老。銀潢急星槎飛到。暫離金砌。為愛此極目香紅繞。倚蘭棹。清歌縹緲。隔花初見。楚楚風流年少。

唱了。後行吹採蓮令。舞分作五方。竹竿子勾念

伏以遏雲妙響。初容與於波閒。回雪奇容。乍婆婆於澤畔。愛芙蓉之豔冶。有蘭芷之芳馨。躑躅凌波。洛浦未饒於獨步。雍容解佩。漢皋諒得以齊驅。宜到堦前。分明祇對。

花心出念

但兒等玉京侍席。久陟仙堦。雲路馳驂。乍遊塵世。喜聖

明之際會。臻夷夏之清寧。聊尋澤國之芳。雅寄丹臺之

曲。不慚鄙俚。少頌昇平。未敢自專。伏候處分。

竹竿子問念

既有清歌妙舞何不獻呈

花心答問

舊樂何在

竹竿子再問念

一部儼然

花心答念

再韻前來

念了後行吹採蓮曲破五人眾舞到入破先兩人舞出舞到裊上住當立處訖又二人舞又住

當立處然後花心舞徹竹竿子念

伏以仙裾搖曳擁雲羅霧縠之奇紅袖翻極鸞翻鳳

翰之妙再呈獻瑞一洗凡容已奏新詞更留雅詠

念了花心念詩

我本清都侍玉皇乘雲馭鶴到仙鄉輕舸一葉煙波闊

嗜此秋潭萬斛香

念了後行吹漁家傲花心舞上折花了唱漁家

傲

蘂沼清冷涓滴水迢迢煙浪三千里微孕青房包繡綺薰風裏幽芳洗盡開桃李羽氅飄蕭塵外侶相呼短

翻
極
翻

棹輕偎倚。一片清歌天際起。聲尤美。雙雙驚起鴛鴦睡。
唱了。後行吹漁家傲。五人舞換座當花心立人。
念詩。

我昔瑤池飽宴遊。竭來樂國已三秋。水晶宮裏尋幽伴。
菡萏香中蕩小舟。

念了。後行吹漁家傲。花心舞上。折花了。唱漁家
傲。

翠蓋參差森玉柄。迎風灑露香無定。不著塵沙真體淨。
蘆花徑。酒侵酥臉霞相映。棹撥木蘭煙水。膜月華如
練。秋空靜。一曲悠颺沙鷺聽。牽清興。香紅已滿蒹葭艇。

唱了。後行吹漁家傲。五人舞換座當花心立人。
念詩。

我弄雲和萬古聲。至今江上數峰青。幽泉一曲今憑棹。
楚客還應著耳聽。

念了。後行吹漁家傲。花心舞上。折花了。唱漁家
傲。

草軟軟沙平風掠岸。青蓑一釣煙江畔。荷葉為裯花作幔。
知誰伴。醇醪只把鱸魚換。盤縷銀絲杯自煖。篷窗醉

著無人喚。逗得醒來橫脆管。清歌緩。彩鷺飛去紅雲亂。
唱了。後行吹漁家傲。五人舞換座。當花心立人。

念詩

我是天孫織錦工。龍梭一擲度晴空。蘭橈不逐仙槎去。
貪擷芙蓉朵紅。

念了。後行吹漁家傲。花心舞上。折花了。唱漁家
傲。

大華峰頭冰玉沼。開花十丈干雲杪。風散天香聞四表。
知多少。亭亭碧葉何曾老。試遡霏烟登鳥道。丹崖步
步祥光繞。折得一枝歸月嶠。蓬萊島。霞裾侍女爭言好。

唱了。後行吹漁家傲。五人舞換座當花心立人
念詩。

我入桃源避世紛。太平時出報君恩。白龜已閱千千歲。
卻把蓮巢作酒樽。

念了。後行吹漁家傲。花心舞上。折花了。唱漁家

珠露溥溥清玉宇。霞標綽約消煩暑。時馭清風之帝所。
尋舊侶。三千仙仗臨烟渚。舴艋飄飄來復去。漁翁問

我居何處。笑把紅蕖呼鶴馭。回頭語。壺中自有朝天路。

唱了。後行吹漁家傲。五人舞換座如初。竹竿子
念。

伏以珍符游至。朝廷之道格高深。年穀屢豐。郡邑之和

薰遐通式均。歡宴用樂清時。感游女於仙衢。詠奇葩於水國。折來和月。露浥霞。顯舞處隨風。香盈翠袖。既徜徉於玉砌。宜宛轉於雕梁。爰有佳賓。冀聞清唱。

念了。眾唱畫堂春。

彤霞出水弄幽姿。娉婷玉面相宜。棹歌先得一枝枝。波上畫鯨飛。向此畫堂高會。幽馥散堪引。瑤卮。幸然逢此太平時。不醉可無歸。

唱了。後行吹畫堂春。眾舞舞了。又唱河傳。

藥宮闈苑聽鈞天帝樂。知他幾遍。爭似人閒一曲採蓮。新傳柳腰輕鶯舌。轉不道。遙烟浪誰羈絆。無奈天階。早已催班轉。卻駕彩鸞笑握芙蓉斜盼。願年年陪此宴。

唱了。後行吹河傳。眾舞舞了。竹竿子念遣隊。

浣花一曲媚江城。雅合鳧鷖醉太平。楚澤清秋餘白浪。芳枝今已屬飛瓊。歌舞既闌。相將好去。未喜山川盡。

念了。後行吹雙頭蓮令。五人舞。轉作一行。對廳。

杖鼓出場。

太清舞。

後行吹道引曲子。迎五人上。對廳一直立。樂住。

竹竿子念。

洞。天。門。闕。鎖。烟。蘿。瓊。室。瑤。臺。瑞。氣。多。欲。識。仙。凡。光。景。異。

歡謠須聽太平歌

花心念

伏以獸醴縹緲。歆祥烟。玳席熒煌。開邃幄。諦視人閒之
景物。何殊洞府之風光。恭惟袞繡主人。簪纓貴客。或碧
瞳漆髮。或綠鬢童顏。雄辯風生。英姿玉立。曾向藥官貝
闕。為逍遙游。俱膺丹篆玉書。作神仙伴。故今此會。式契
前蹤。但兒等偶到塵寰。欣逢雅宴。欲陳末藝。上助清歡。
未敢自專。伏候處分。

竹竿子念闕

既有清歌妙舞。何不獻呈。

花心答念

舊樂何在。

竹竿子問念

一部儼然。

花心答念

再韻前來。

念了。後行吹太清歌。眾舞訖。眾唱。

武陵自古神仙府。有漁人迷路。洞戶迸寒泉。汎桃花容

與。尋花地。邈見靈光。舍扁舟飄然入去。注目渺紅霞。

有人家無數。

方字疑何
字之誤

唱了後行吹太清歌衆舞舞訖花心唱

淳

須臾卻有人相顧把肴漿來聚禮數既雍容更衣冠

古漁人方問此方何鄉衆顰眉皆能深訴元是避嬴秦

共攜家來住

唱了後行吹太清歌衆舞換坐當花心一人唱

當時脫得長城苦但熙熙朝暮上帝錫長生任跳丸烏

兔種桃千萬已成陰望家鄉杳然何處從此與凡人

隔雲霄煙雨

唱了後行吹太清歌衆舞換坐當花心一人唱

舟漁舟之子來何所盡相猜相語夜宿玉堂空見火輪

飛舞凡心有慮尚依然復歸指維舟沙浦回首已茫

茫歎愚迷不悟

唱了後行吹太清歌衆舞換坐當花心一人唱

我今來訪煙霞侶沸華堂簫鼓疑是奏鈞天宴瑤池金

母卻將桃種散階除俾華實須看三度方記古人言

信有緣相遇

唱了後行吹太清歌衆舞換坐當花心一人唱

雲軒羽憶仙風舉指丹青煙霧行作玉京朝趁兩班鶴

驚玲瓏環佩擁霓裳卻自有簫韶隨步含笑屬芳筵

後會須來赴

唱了後行吹太清歌衆舞舞訖竹竿子念

欣聽嘉音備詳仙跡迹固知玉步欲返雲程宜少駐於香

車佇再聞於雅詠

念了花心念

但兒等暫離仙島來止洞天屬當嘉節之臨行有清都

之覲芝華羽葆已雜還於青冥玉女仙童正逢迎於黃

道既承嘉命聊具新篇

篇曰

仙家日月如天遠人世光陰若電飛絕唱已聞驚列座

他年同步太清歸

念了衆唱破子

游塵世到仙鄉喜君王躋治虞唐文德格遐荒四裔盡

來王干戈偃息歲豐穰三萬里農桑歸去告穹蒼錫聖

壽無疆

唱了後行吹步虛子四人舞上勸花心酒花心

復勸勸訖衆舞列作一字行竿子念遣隊

仙音縹緲麗句清新既歸美於皇家復激昂於坐客桃

源歸路鶴馭迎風抃手堦前相將好去

念了後行吹步虛子出場

柘枝舞

五人對廳一直立竹竿子勾念

伏以瑞日重光清風應候金石絲竹間六律以皆調傑

休兜離賀四夷之率伏請翻妙舞來奉多歡鼓吹連催

柘枝入隊

念了後行吹引子半段入場連吹柘枝令分作

五方舞舞了竹竿子又念

適見金鈴錯落錦帽蹁躑芳年玉貌之英童翠袂紅綃

之麗服雅擅西戎之舞似非中國之人宜到堦前分明

祇對

念了花心出念

但兒等名參樂府幼習舞容當芳宴以宏開屬雅音而

合奏敢呈末技用讚清歌未敢自專伏候處分

念了竹竿子問念

既有清歌妙舞何不獻呈

花心答念

舊樂何在

竹竿問念

一部儼然

花心答念

再韻前來

念了後行吹三臺一編五人舞拜起舞後行再
吹射鵬編連歌頭舞了衆唱歌頭

口人奉聖口口朝口口口口口口口口留伊得荷
雲戲幸遇文明堯堯上太平時口口口口何不罷歲口
征舞柘枝

唱了後行吹朵肩編吹了連吹撲胡蝶編又吹
畫眉編舞轉謝酒了衆唱柘枝令

我是柘枝嬌女口口多風措口口口口口口住深妙學得
柘枝舞口口頭戴鳳冠口口口口口口纖腰束素口口編體
錦衣裝來獻呈歌舞

又唱

回頭卻望塵寰去喧畫堂簫鼓整雲鬟搖曳青綃愛一
曲柘枝舞好趁華封盛祝笑共指南山煙霧蟠桃仙酒
醉昇平望鳳樓歸路

唱了後行吹柘枝令衆舞了竹竿子念遣隊
雅音震作既呈儀鳳之吟妙舞迴翔巧著飛鸞之態已
洽歡娛綺席暫歸縹緲仙都再拜堦前相將好去
念了後行吹柘枝令出隊

鄮峰真隱漫錄卷第四十五終

鄮峰真隱大曲卷二十四十六

鄮。史。浩。直。躬。〇。〇。〇。

花舞

兩人對廳立自勾念

伏以騷賦九章靈草喻如君子詩人十詠奇花命以佳
名因其有香尊之為客欲知標格請觀一字之褒爰藉
品題遂作羣英之冠適當麗景用集仙姿玉質輕盈共
慶一時之會金樽澹澹式均四坐之歡女伴相將折花
入隊

念了後行吹折花三臺舞取花瓶又舞上對客

美

放瓶念牡丹花詩

花是牡丹推上首。天家侍宴為賓友。料應雨露久承恩。

貴客之名從此有。

念了舞唱蝶戀花。侍女持酒果上。勸客飲酒。

貴客之名從此有。多謝風流飛馭陪樽酒。持此一卮同

勸後願花長在人長壽。

舞唱了後行吹三臺舞。轉換花瓶又舞上。次對

客放瓶念瑞香花詩。

花是瑞香初擢秀。達人鼻觀通廬阜。遂令聲價滿寰區。

嘉客之名從此有。

念了舞唱蝶戀花。侍女持酒果上。勸客飲酒。

嘉客之名從此有。多謝風流飛馭陪樽酒。持此一卮同

勸後願花長在人長壽。

舞唱了後行吹三臺舞。轉換花瓶又舞上。次對

客放瓶念丁香花詩。

花是丁香花未剖。青枝碧葉藏瓊玖。如居翠幄道家

素客之名從此有。

念了舞唱蝶戀花。侍女持酒果上。勸客飲酒。

素客之名從此有。多謝風流飛馭陪樽酒。持此一卮同

勸後願花長在人長壽。

舞唱了。後行吹三臺舞。轉換花瓶。又舞上次對
客放瓶。念春蘭花詩。

花是春蘭^樓遠岫。竹風松露為交舊。仙家^劍佩羽霓裳。
幽客之名從此有。

念了。舞唱蝶戀花。侍女持酒果上。勸客飲酒。
幽客之名從此有。多謝風流。飛馭陪樽酒。持此一^危同。
勸後。願花長在人長壽。

舞唱了。後行吹三臺舞。轉換花瓶。又舞上次對
客放瓶。念薔薇花詩。

花是薔薇如綺繡。春風滿架暉晴晝。為多規刺少拘攣。

野客之名從此有。

念了。舞唱蝶戀花。侍女持酒果上。勸客飲酒。
野客之名從此有。多謝風流。飛馭陪樽酒。持此一^危同。
勸後。願花長在人長壽。

舞唱了。後行吹三臺舞。轉換花瓶。又舞上次對
客放瓶。念醪醕花詩。

花是醪醕紆翠袖。釀泉曾入真珠溜。更無塵氣^到杯盤。
雅客之名從此有。

念了。舞唱蝶戀花。侍女持酒果上。勸客飲酒。
雅客之名從此有。多謝風流。飛馭陪樽酒。持此一^危同。

勸後願花長在人長壽

舞唱了後行吹三臺舞轉換花瓶又舞上次對
客放瓶念荷花詩

花是芙蓉冰玉漱人閒暑氣何曾受本來泥滓不相關
淨客之名從此有

念了舞唱蝶戀花侍女持酒果上勸客飲酒

淨客之名從此有多謝風流飛馭陪樽酒持此一卮同
勸後願花長在人長壽

舞唱了後行吹三臺舞轉換花瓶又舞上次對

客放瓶念秋香花詩

花是秋香偏鬱茂姮娥月裏親栽就一枝平地合登瀛
仙客之名從此有

念了舞唱蝶戀花侍女持酒果上勸客飲酒

仙客之名從此有多謝風流飛馭陪樽酒持此一卮同
勸後願花長在人長壽

舞唱了後行吹三臺舞轉換花瓶又舞上次對

客放瓶念菊花詩

花是菊英真耐久長年只看臨風嗅東籬況乃見南山
壽客之名從此有

念了舞唱蝶戀花侍女持酒果上勸客飲酒

壽客之名從此有多謝風流飛馭陪樽酒持此一卮同
勸後願花長在人長壽

舞唱了後行吹三臺舞轉換花瓶又舞上次對
客放瓶念梅花詩

花是寒梅先節候調羹須待青如豆為於雪底倍精神
清客之名從此有

念了舞唱蝶戀花侍女持酒果上勸客飲酒
清客之名從此有多謝風流飛馭陪樽酒持此一卮同
勸後願花長在人長壽

舞唱了後行吹三臺舞轉換花瓶又舞上次對
客放瓶念芍藥花詩

芍藥來陪羣客後矜其末至當居右奇姿獨許侍花王
近客之名從此有

念了舞唱蝶戀花侍女持酒果上勸客飲酒
近客之名從此有多謝風流飛馭陪樽酒持此一卮同
勸後願花長在人長壽

舞唱了後行吹三臺舞轉放花瓶又舞上花裯
昔花對坐唱折花三臺

算仙家真巧妙能使眾芳長繡組羽軒芝葆曾到世間
誰共凡花為伍桃李漫誇豔陽百卉又無香可取歲

歲年年長是春何用芳菲分四序

又唱

對芳辰成良聚珠服龍妝環宴俎我御清風來此縱觀
還須折枝歸去歸去藥珠繞頭一一是東君為主隱
隱青冥怯路遙且向臺中尋伴侶

唱了起舞後行吹折花三臺一編舞訖相對坐

取盆中花插頭上又唱

歎塵寰烏兔走花謝花開能幾許十分春色一半遣愁
那堪飄零風雨爭似此花自然悄不待根生下土花
既無凋春又長好帶花枝傾壽醕

又唱

是非場中名利海得喪炎涼徒自苦至樂陶陶唯有醉
鄉誰向此閒知趣花下一杯一杯且莫把光陰虛度
八極神游長壽仙中必出螺贏螟蠕休更覷

唱了侍女持酒果置裯上舞相對自飲飲訖起

舞三臺一編自念遣隊

伏以仙家日月物外烟霞能令四季之奇葩會作一筵
之重客莫不香浮綺席影覆瑤階森然羣玉之林宛在
列真之府相逢今日不醉何時敢持萬斛之流霞用介
千春之眉壽歡騰絲竹喜溢湖山觀者雖多歎未曾有

更願九重萬壽四海一家屢臻年穀之豐登永錫田廬
之快樂於時花驄嘶晚絳蠟迎宵飲散瑤池春在烏紗
帽上醉歸藥館香分白玉釵頭式因天上之芳容流作
人閒之佳話尚期再集益侈遐齡歌舞既終相將好去
念了後行吹三臺出隊

劍舞

二舞者對廳立裊上竹竿子勾念

伏以玳席歡濃金樽興逸聽歌聲之融曳思舞態之飄
飄爰有仙童能開寶匣佩干將莫邪之利器擅龍泉秋
水之嘉名鼓三尺之瑩瑩雲間閃電橫七星之凜凜掌
上生風宜到芳筵同翻雅戲

二舞者自念

伏以五行擢秀百鍊呈功炭熾紅鑪光歎星日翻新雪
氣貫虹霓斗牛間紫霧浮游波濤裏蒼龍締合久因
佩服粗習迴翔茲聞閨苑之羣仙來會瑤池之重客輒
持薄技上侑清歡未敢自專伏候處分

竹竿子問

既有清歌妙舞何不獻呈

二舞者答

舊樂何在

竹竿子再問

一部儼然

二舞者答

再韻前來

樂部唱劍器曲破作舞一段了二舞者同唱霜

天曉角

熒熒巨闕左右凝霜雪且向玉階掀舞終當有用時節
唱徹人盡說寶此剛不折內使奸雄落膽外須遣豺狼
滅

樂部唱曲子作舞劍器曲破一段舞罷二人分
立兩邊別兩

人漢裝者出對
坐卓上設酒果竹竿子念

伏以斷蛇大澤逐鹿中原佩赤帝之真符接蒼姬之正
統皇威既振天命有歸量勢雖盛於重瞳度德難勝於
隆準鴻門設會亞父輸謀徒矜起舞之雄姿厥有解紛
之壯士想當時之賈勇激烈飛颺宜後世之效顰回旋
宛轉雙鸞奏技坐四座騰歡

樂部唱曲子舞劍器曲破一段一人左
一人右

漢裝者之勢又一人舞進前翼蔽之舞罷兩舞
者並退漢裝者亦退復有兩人唐裝出對坐卓
上設筆硯紙舞者一竹竿子念

人換婦人裝立榻上

伏以雲鬟聳蒼壁霧縠罩香肌袖翻紫電以連軒手握

青蛇而的皖。花影下游龍自躍。錦裯上蹌鳳來儀。軼態橫生。瑰姿謫起。傾此入神之技。誠為駭目之觀。巴女心驚。燕姬色沮。豈唯張長史草書大進。抑亦杜工部麗句新成。稱妙一時。流芳萬古。宜呈雅態。以洽濃歡。

樂部唱曲子。舞劍器曲破一段。作龍蛇蜿蜒曼舞之勢。兩人唐

對舞。結劍器曲破徹。竹竿子念。

項伯有功扶帝業。大娘馳譽滿文場。合茲二妙甚奇特。堪使佳賓釀一觴。霍如羿射九日落。矯如羣帝驂龍翔。來如雷霆收震怒。罷如江海凝清光。歌舞既終。相將好去。

念了。二舞者出隊。

漁父舞

四人分作兩行。迎上對筵立。漁父自勾念。

鄖城中有蓬萊島。不是神仙那得到。萬頃澄波舞鏡鸞。千尋疊嶂環旌纛。光天圓玉夜長清。觀地濕紅朝不歸。賓主相逢欲盡歡。昇平一曲漁家傲。

勾念了。二人念詩。

渺渺平湖浮碧滿。奇峯四合波光暖。綠蓑青笠鎮相隨。細雨斜風都不管。

念了。齊唱漁家傲舞。戴笠子。

細雨斜風都不管。柔藍軟綠_煙堤畔。鷗鷺忘機為主伴。
等閒莫許金章換。

唱了。後行吹漁家傲舞。舞了。念詩。

喜見同陰垂_市地。瓊珠簌簌隨風絮。輕絲圓影兩相宜。
好景儂家披得去。

念了。齊唱漁家傲舞。披蓑衣。

好景儂家披得去。前村雪屋雲深處。一棹清歌歸晚浦。
真佳趣。知誰畫得歸縑素。

唱了。後行吹漁家傲舞。舞了。念詩。

波面初驚秋葉委。風來又覺船頭起。滔滔平地盡知津。
濟涉還渠漁父子。

念了。齊唱漁家傲舞。取_楫鼓動。

濟涉還渠漁父子。生涯只在_煙波裏。練靜忽然風又起。
贏得底。吹來別浦看桃李。

唱了。後行吹漁家傲舞。舞了。念詩。

碧玉粼粼平似掌。山頭正吐冰輪上。水天一色印寒光。
萬斛黃金迷俯仰。

念了。齊唱漁家傲。將_楫作搖櫓_勢。

萬斛黃金迷俯仰。輕舸不礙飛雙槳。光透碧霄千萬丈。
真堪賞。恰如鏡裏人來往。

唱了。後行吹漁家傲舞。舞了。念詩。

手把絲綸浮短艇。碧潭清泚。風初靜。未垂芳餌向滄浪。

已見白魚翻翠荇。

念了。齊唱漁家傲。取釣竿作釣魚勢。

已見白魚翻翠荇。任公一擲波千頃。不是六鼇休便領。

清晝永。悠颺要在神仙境。

唱了。後行吹漁家傲舞。舞了。念詩。

新月半鉤堪作釣。釣竿直欲干雲表。魚鰕細碎不勝多。

一引修鱗吾事了。

念了。齊唱漁家傲。釣出魚。

一引脩鱗吾事了。棹船歸去歌聲杳。門俯清灣山更好。

眠到曉。鳴榔艇子方雲擾。

唱了。後行吹漁家傲舞。舞了。念詩。

提取蘋鱗歸竹塢。兒孫迎笑交相語。西風滿袖有餘清。

試倩霜刀供玉縷。

念了。齊唱漁家傲。取魚在杖頭。各放魚。指酒樽。

試倩霜刀供玉縷。銀鱗不忍供盤俎。擲向清波方圍圉。

休更取。小槽且聽真珠雨。

唱了。後行吹漁家傲舞。舞了。念詩。

明月滿船唯載酒。漁家樂事時時有。醉鄉日月與天長。

莫惜清樽長在手。

念了，齊唱漁家傲，取酒樽斟酒對飲。

莫惜清樽長在手，聖朝化洽民康阜。說與漁家知得否。

齊稽首。太平天子無疆壽。

起首祝聖

唱了，後行吹漁家傲，舞了，漁父自念遣隊。

湖山佳氣霽紛紛，占得風光日滿門。賓主相陪歡意足。

卻橫烟笛過前村，歌舞既終相將好去。

念了，後行吹漁家傲，舞者兩行引退出散。

鄭峯真隱漫錄卷第四十六終

